

Nasa koto ní ñee ní ji maa ní nú ndo'o ní hepatitis B de ñu'un se'e ní

Hepatitis B kuu in kue'e xeen ja kuu kundo'o se'e ní nikani. Nú kuu ní in Ña'an ja ñu'un se'e de ndo'o ní hepatitis B, virus ya'a kuu kivi ji se'e ní nú ni kivi niñi ní nuu niñi ji ta kaku ji. Tágu ma kivi kue'e se'e ní ji koo va'a ní ji, ka'an ní jín médico ní kivi ja ni jini ní ja ñu'un se'e ní de kachi ní nuu de ja ndo'o ní hepatitis B.



¡Kuetiñu ní cuadro ya'a tágu koto ní maa ní ji se'e ní iini ñu'un ji chijin ní ji ta ja ni kaku ji!

Tiñu ja sa'a naná

Ta ñu'un chijin ña

- ✓ Ka'an ní jín in médico nú ñu'un chijin ní de ndo'o ní kue'e hepatitis B tágu kachi de nasa koto ní maa ní nuu virus hepatitis B ji siki nasa koto ní xtaa je'e ní.
 - Médico ní taji de tatan hepatitis B nuu ní, nú sanaa jiniñu'un ní.

Ta kaku ñee

- ✓ Kuna'an ní kachi ní nuu ñayiví hospital ja ndo'o ní hepatitis B.
- ✓ Kuna'an ní kachi ní nuu médico ja koto se'e ní ja ndo'o ní hepatitis B.

Ta ja ni kaku se'e ní ji ta ja ni ya'a ka kivi

- ✓ Nu 1- 2 yoo, ka'an ní jín médico ní tágu kunde'e de nasa iyo kue'e hepatitis B ní.
 - Kánuu tuni ja sa'a ní tiñu ya'a nú ni kije'e ní ni kutatan ní ta ni jeku'un se'e ní.
- ✓ Jiniñu'un ja in médico kunde'e de nasa iyo kue'e hepatitis B ndaká nu 6 yoo.



Kánuu ja ñayiví ja ndee ní jín axi nda ñayiví ja ndee ji ini ve'e ní sa'a ji in prueba ji kani ji vacuna hepatitis B maa ji iini ñu'un se'e ní.

Tiñu ja sa'a ñee

Ta kaku ñee

- Ñee ja kaku kánuu ja kani uu yitikú ji nuu 12 hora ja ni kaku ji tágu sukua ma kundo'o ji kue'e ya'a:
- ✓ In yitikú inmunoglobulina ja kanaa jín hepatitis B (HBIG)
 - ✓ Yitikú xinañu'un vacuna hepatitis B

Nuu 1-2 yoo

- ✓ Kánuu ja ñee ní kani ji maa ji vacuna 2 uu hepatitis B.

Nuu 6 yoo

- ✓ Kánuu ja ñee ní kani ji maa ji vacuna 3 uni hepatitis B.

9-12 meses

- ✓ Ñee ní jiniñu'un ja sa'a ji in prueba niñi tágu kuni nú sanaa ni jikin kue'e hepatitis B ji de sukua kuni nasa koto ji maa ji.

Ta jaxin ji

- ✓ Ka'an ní jín médico ní siki nasa koto ní maa ní ta jaxin se'e ní ji nasa koto ní xini ndoso ní nú takue'e tágu sukua ma kivi niñi ní nuu xikui se'e ní.
- ✓ Nú ñee ní ni ní'in ji vacuna hepatitis B ji inmunoglobulina ja kanaa jín hepatitis B ta ni kaku ji, ma kuyu'u ní, jaku tuni ni ñayiví kuu ja skukin ji kue'e hepatitis B se'e ji ta skaxin ji se'e ji. Nú ja ni ní'in se'e ní nda vacuna ya'a, kuu skaxin ní ji.